

**NAALAKKERSUISOQARFIUP PEQQISSUTSIMUT IMMIKKOORTOQARFIATA  
ILINNIAQQINNERMUT ANINGAASAATAANIIT TAMATUMUNNGA ANINGAASA-  
LIISOQARPAT ILINNIAQQINNERUP NALAANI AKISSARSIAT PILLUGIT  
KAAJALLAASITAA**

*Ilinniarsimasut pineqartut*

§ 1. Peqqissaasut, tarrarsuisartut, juumuut, bioanalytikerit, økonomat kiisalu timimik sungiusaasut aamma pillorissaasut qinnuteqarsimasut ilinniaqqinnissamullu akuerinerqarsimasunut.

*Ilinniaqqinnerit suuneri*

§ 2. Suliamut tunngasumik immikkut ilinniarnertit, soorlu diplomimut, masterimut kandidatimullu ilinniarnernullu qaffasinnerusunut allanut ilinniarnertit.

*Imm. 2.* Ilinniarnertit ingerlanneqarsinnaapput ukunatigut:

- Kalaallit Nunaanni avataanilu ilinniarnertit tamakkiisumik ilinniarnertit
- Kalaallit Nunaata avataani sivisunerusunut immikkut ilinniarnertit immikkut suliani tassani atuarneq sulinerlu sanileriissillugit ingerlallugit, soorlu malugisimajunnaartitsisarneq (anæstesi), peruluttut aamma tarnikkut nappaatinik ilinniarnertit
- Kalaallit Nunaanni avataanilu ilinniarnertit ilaannakuusumik ilinniarnertit najuulluni sivikitsumik ilinniarnertit nammineerlunilu ilinniarnertit akuleriissillugit
- Ukiup affaa ataallugu ilaannakuusumik ilinniarnertit modulimut katersorlugu ingerlanneqartoq.

*Ilinniaqqinnermi sulinnginneq*

§ 3. Inuit ilinniaqqittut qinnuteqassapput sulinngiffeqarlutillu sumiiffimmi sulisitsisumiit ilinniaqqinnernut § 2-mi taaneqartunut akissarsiatik piginnarlugit.

*Ilinniaqqinnerup nalaani akissarsiat*

*Kalaallit Nunaanni avataanilu tamakkiisumik ilinniarneq*

§ 4. Aningaasaliinermi ilaapput isumaqatigiissut atuuttoq malillugu akissarsiat tunngaviusut, taamaattoqarpat immikkut ittumik tapisiat kiisalu puljemiit tapisiat, sulisussarsiornermut sulisullu tigummiinnarnissaanut tapisiat aamma aningaasanit siammakkanit tapisiat. Aningaasaliissutikkut matussuserneqanngillat atorfimmi atisat, sumiiffimmi tapisiat aamma aggeqquneqalserternermut tapisiat, tassami inuk ilinniarnarup nalaani sumiiffimmut tapiissuteqarfiusumi najugaqanngimmat aammalu atorfimmi piareersimanermit tapiissuteqarfiusumi aggeqquneqariataarnissamut piareersimasussaannngimmat.

*Imm. 1.* Aningaasaliissutit annertussusiat qinnuteqartunut ataasiakkaanut naliliinermut ataatsimiititaliamit aalajangerneqartarput.

*Kalaallit Nunaanni avataanilu ilinniarfinni ilaannakuusumik ilinniarneq*

§ 5. Kalaallit Nunaanni avataanilu ilinniarfinni ilinniarnarit modulit katillugit ukiup affaa inorlugu ingerlanneqartartut. Aningaasaliissutinut ilaapput akissarsiat § 4, imm. 1-imi taaneqartut. Aningaasaliissutit annertussusiat qinnuteqartunut ataasiakkaanut ataatsimiititaliamit nalilii-sartumik aalajangerneqartarput.

*Imm. 2.* Kalaallit Nunaanni avataanilu ilinniarfinni ilaannakuusumik ilinniarnarit nammineerluni

ilinniarnertut sivikitsumillu nammineq najuulluni ilinniarnertut ingerlanneqartartut. Aningaasaliissutini ilaapput akissarsiat tunngaviusut, immikkut tapisiat, puljimiit tapisiat, sulisussarsiornermut sulisullu piginnarnissaanut tapisiat kiisalu aningaasanit siammakkanit tapisiat, sumiiffimmut tapisiat, kisiannili ilaanatik piareersimasussaataitanermut tapisiat aamma akornusigaa-nermut pissarsiat. Aningaasaliissutit amerlassusiat inunntut ataasiakkaanut ataatsimiititaliamit naliliisartumit aalajangerneqartarput.

*Kalaallit Nunaata avataani immikkut ilinniarnertit*

§ 6. Ilaqutariinnermut Peqqissutsimullu Naalackersuisoqarfiup aamma Kalaallit Nunaata avataani pisortat suliffeqarfiata napparsimaviulluunniit akornanni ilinniarfissaqartitsinissaq isumaqatigiissutigineqarsimappat danskit sulisitsisuat nunap atugassarititai atorlugit akissarsianik tunniussis-saaq. Akissarsiat Ilaqutariinnermut Peqqissutsimullu Naalackersuisoqarfimmut akiligassangor-tinneqassapput isumaqatigiissutip imarisaata annertoqataanik aningaasartalerlugit.

*Imm. 2.* Immikkut ilinniarneq ilinniarnermi atorfitorpiaq qinnutigineqarsimappat danskit sulisitsisuat akissarsisitsissaaq nunagisap atugassarititai naapertorlugit.

*Ilinniaqqinnerup nalaani akissarsiat tunniunneqartarnerat*

§ 7. Sumiiffimmi sulisitsisoq akissarsiaqartitsiuassaaq § 4, § 5 imaluunniit § 6 malillugit. Allamik allassimasoqangippat akissarsiat qaammammoortumik Ilaqutariinnermut Peqqissutsimullu Naalackersuisoqarfimmut akiligassangortinneqassapput ilinniaqqinnermut aningaasanit aningaasaliissutit naapertorlugit.

*Ilinniaqqinnermut atatillugu akissarsiat tunniunneqartarunnaarnerat*

§ 8. Inaarutaasumik soraarummeertoqarniariapat aningaasaliissutit unissapput, ilinniartorlu atorfigisimasaminut/atorfimmut nutaamut utissaq allamik isumaqatigiittoqarsimangippat.

§ 9. Ilinniagaqartup ilinniarnini unitsippagu ilinniaqqinnermut puljimiit akissarsiaqartitsineq ingerlaannaq unissaaq. Ilinniarnierup unitsitaanera tamatigut piaarnerpaamik Ilaqutariinnermut Peqqissutsimullu Naalackersuisoqarfimmut nalunaarutigineqassaaq.

*Imm. 2.* Ilinniagaqartup ilinniarnini naammassinngippagu tassunga aningaasat atasuullutik, ilinniagaqartoq pisussaavoq aningaasat ilinniarnierup uninnerata tungaanut akilerneqarsimasut Ilaqutariinnermut Peqqissutsimullu Naalackersuisoqarfimmut utertillugit akilissallugit.

§ 10. Ilinniagaqartup soraarummeerneq pilersaarusiugaq angusaqarfiginngitsoorpagu tamanna Ilaqutariinnermut Peqqissutsimullu Naalackersuisoqarfimmut nalunaarutigineqassaaq.

*Imm. 2.* Ilinniagaqartup soraarummeerneq pilersaarusioriigaq ilinniarnermi nalaani ataasiaannarani angusaqarfiginngitsoorpagu Ilaqutariinnermut Peqqissutsimullu Naalackersuisoqarfik immi-nut pisinnaatippoq tapiissutip nangiinnarnissaata nutarterniarnissaanut.

§ 11. Ilinniaqqinnermit aallareriikkamiit sulinngiffeqarniartoqarsinnaavoq.

*Aalajangersakkat allat*

§ 12. Kaajallaasitaq 1. marts 2008-mi atortuulissaaq.

Namminersornerullutik Oqartussat, ulloq 27. februar 2008

Martha Lund Olsen

/

Lisbeth Sveigaard